



**Innuttaasunut
kiffartuussineq
pillugu
nalunaarusiaq
2024**

Imarisai

Innuttaasunut kiffartuussineq pillugu nalunaarusiaq 2024	1
1. Aallaqqasiut.....	1
2. Eqikkaaneq.....	2
3. Innuttaasunik kiffartuussinerup sinaakkutai tunngaviilu	4
4. KNR-ip imaa siammarteriviillu 2024-mi	7
4.1 Radio.....	8
4.2 TV	9
4.3 Nutaarsiassat.....	12
4.4 Digital aamma online.....	13
4.5 Ingerlatsinermi kisitsisit.....	27
5. Aaqqissugaaneq nukissatigullu sillimmatigisat	30
6. Illuutinut atortoqarnermullu tunngasut	33
7. Aningaasaqarneq	36
8. Eqikkaaneq ilimagisinnasallu	39

1. Aallaqqaasiut

Nuannaarutigeqalugu saqqummiutissavara Innuttaasunik Sullissinermik Nalunaarusiaq 2024 Kalaallit Nunaata Radioa (KNR) sinnerlugu.

Nalunaarusiap uuma takutippaa ukiup qaangiuttup ingerlanerani suliniutigut ataatsimut takuneqarsinnaasut, kiisalu qanoq ililluta innuttaasunik sullissinitsinni pisussaaffigut kalaallinut inuaqatigiinnut naammassiniarsimanerigut.

2024 ukuusimavoq assigiinngitsutigut siuariarfiusimallunilu unamminartortaqarsimasoq. Digitalimik aallavavigut ineriartorteqqissimavagut misigisimallugulu on-demand aamma streaming-imik kiffartuussiffitta atorneqarneri qaffakkartorsimasut. Peqataanerput annertusisimavarput, kalaallillu kulturiannut, timersornermut inuaqatigiillu akornanni oqallinnermut peqataanerput pitsangorsarsimallugu. Ukiulli ingerlanerani aaqqissuinikkut unammilligassaqarsimavoq, taakkununnga ilanngullugu qitiusuni atorfinni sulisussaaleqineq aamma teknologiimi attaveqaasersuinermi aningaasaliinissat pisariaqavissut attaveqaqatigiinnerni ileqqut nutaat kiisalu sillimaniarnikkut pisariaqartitat.

Una nalunaarusiaq tassaannaanngilaq tiiminik pilersitanillu naatsorsuineq. Uppernarsaataavorli suleqatitta suleqatigisattalu ullut tamaasa tunnusimanerannik suliniuteqarnerannillu Kalaallit Nunaanni innuttaasunik sullissineq patajaatsoq akuliusimaffigineqanngitsorlu qulakkeerniarlugu.

Neriuppunga nalunaarusiap ersarissumik peqqissaartumillu KNR'p atuuffia ingerlaneralu 2024-mi takutikkaa alloriaqqinnissamullu tikkuussisoq KNR-ip ineriartortinneranut.

Qujanaq tamassinnut suleqatinut, suleqatigisanut, isiginnaartartunut tusarnaartartunut atuisunullu tunnusimanissinnut tapersersuinissinnullu.



Inussiarnersumik inuullaqqusillunga
Hans Peter Poulsen

Pisortaq

ONIFEX

ON AIR

2. Eqikkaaneq

Innuttaasunik Sullissinermik Nalunaarusiapi 2024-p KNR-ip innuttaasunik kiffartuussinermut isumaqatigiissutaata naammassisimaneranik takussutissiivoq, ukumi siuarifiullunilu annertuunik unamminartoqarfiusuni. Naak sulisussaaleqiffiusimagaluartumi aningaasanillu amikkisaarfiugaluartumi KNR-ip Kalaallit Nunaata innuttaasunik inuit akornanni attaveqaqtigiittut pisussaaffini attatiinnarsimavaa, qulakkeersimallugulu siamasissumik nutaarsiassanik, kulturimik, aliikkusersuinermik kiisalu ilinniartitsinermik siammerterisimanini, radio, TV-kkut siammerteriviit digitaliusut akimorlugit.

2024-imi angusat ineriartortitsinermullu tunaartat pingaarutillit:

Innuttaasunik sullissinermik piviusunngortitsineq: Ataatsimut isigalugu KNR-ip pisussaaffini piviusunngortissimavai, pingaartumik nukittuffigismallugit kulturip aamma timersornerup iluani. Ataasiakkaanili nikingasoqarpoq, ilaatigut meeqqanut inuusuttunullu imalinni aamma tv-ikkut qallunaat oqaasii atorlugit aallakaatitassiani.

- **Nutaarsiassaqartitsineq ilungersunartorsiorfiusoq:** Naak sulisussaaleqisoqaraluartoq nutaarsiassaqartitsiviup ullut tamaasa pisunik naleqqulluartunik aallakaatitsarsimavoq, taassuma iluani annertuumik qallunaat oqaasiinut nutserineq. Nalimmassaallaqqinnejq sulianillu naammassinnitarneq aallakaatitassiornermut aaliangiisuunerpaasimapput.
- **Digitalikkut ineriartortitsineq allanngortitsinerlu:** KNR-ip digitalikkut peqataanini pitsanngorsarsimavaa. KNR.gl-imi atuisut amerlassusaat qaffassimavoq, podcastit kiisalu inuit akornanni attaveqaatit atorneqarneri annertusiartuinnarsimapput, TV-mik radio-millu streamingimik atuisut amerlassusaat aalajaallisimavoq.
- **Teknologiimut aningaasaliineq:** KNR-i IT-kkut isumannaassuseq anguniarlugu aningaasaliisimavoq, atortunik nutaanik aamma serverip pisinnaasaanik opdateriinernik annertusiinernillu. Tamatuma ingerlatsineq qulakkeersimavaa, siunissamullu ineriartortitsinissaq tunngavilerluarsimallugu. Attaveqaatinilli immikkut ittumik isumannaallisaanermik suliniuteqarnerup kingunerisimavaa, sullivinnik pisariaqavissumik nutarterinissaq akissaarunneqarsimammat, software-nut hardwarenullu, taamaalillunilu tamatumunnga aningaasaliinissamut akissaarussimaneq kingunerisimallugu.
- **Aaqqissuussinerup tungaatigut unamminartut:** Sulisussaaleqineq, pingaartumik nutaarsiassaqarfimmi, tusagassiornermut sunniuteqarsimavoq. Suliniuteqartoqarpoq atorfinitstsinerup tungaatigut, ilinniartitseqqinnikkut kiisalu suliffiup iluani aqutsinermik pitsanngorsaanikkut, taamaakkaluartorli suli atorfilinnik uninngatitsiniarneq unamminartut qiterivaat.
- **Aningaasatigut amigartoorutit:** KNR-ip ukioq naavaa 1,75 mio. kr.-inik amigartoorteqarluni taamaalillunilu aningaasat uninngatitat negativiulerlutik. Amigartoorneq ilaatigut IT-mut aningaasartuutit annertunerujussuannik peqquteqarpoq, ussassaarutinit isertitat ikiliartornerinik, kiisalu sulisut taarseraannerisa kingunerisaanik annertunerusumik aningaasartuuteqarnermik.

Naak unamminartoqaraluartoq KNR 2024-mi allannguisinnaanermut piareersimasutut kiisalu suliffeqarfittut innuttaasunik kiffartuussinermut pitsaasumik ukkisisutut kiisalu ineriartortitsinissamut tunaartaqarluartutut takutitsisinnaasimavoq.



**3. Innuttaasunik
kiffartuussinerup
sinaakkutai tunngaviilu**

Innuttaasunik kiffartuussineq pillugu Nalunaarusiap 2024-meersup maannakkut innuttaasunik kiffartuussinermut KNR-ip Naalakkersuisullu akornanni isumaqatigiissut piffissami 1. januar 2023-miit 31. december 2026-imut atuuttoq aallaavigivaa. Isumaqatigiissutip taassuma KNR-ip innuttaasunik kiffartuussineranut pisussaaffiisa sinaakkutai aalajangersarpai kiisalu suliffeqarfiup inissismanera suliassaalu nassuiarlugit.

Isumaqatigiissutip pingarnerpaamik siunertarivaa qulakkiissallugu, KNR-i Kalaallit Nunaanni innuttaasunik sullissinermi attaveqaatitut atuutissasoq, suliniutigissagaalu inuiaqatigiinni oqartussaaqataanermik, kulturikkut aamma qaammarsaanikkut suliniaqataassasoq. Inatsisit aaliangersagai aallaavigivai, taakkua ataanni Inatsisartut inatsisaat nr. 7, 8. juni 2014-imeersoq radio-kkut tv-kkullu aallakaatitsarneq pillugu, KNR-illu pisortat suliffiutaattut inissismanera ikorforsorlugu allanut attuumassuteqanngitsutut aaqqissuisoqarfittut.

Innuttaasunik sullissinermik isumaqatigiissutip ilaatigut ukua pingarnertut anguniagassat kiisalu KNR-ip ingerlatsinerminut tunngavigissagai aaliangersarpaa:

- Innuttaasut inuiaqatigiit oqartussaaqataanerisa iluanni iliuuseqarsinnaassusaat pitsanngorsassallugu, pingarutilimmik inuiaqatigiinni tamatigoortumik paasititsiniaaneq, oqallinneq kulturilu aqqutigalugit.
- Kalaallit Nunaat ataqtigiilersissallugu ersersissallugulu neqerooruteqarnikkut nunap kulturikkut assigiinngisitaarneranik takutitsisumik, inuuniarnikkut atukkat kiisalu ataatsimooqatigiinnerit assigiinngitsut.
- Kalaallit kulturiat oqaasiilu eqqumiitsuliornerik ingerlatitseqqinneaq aqqutigalugu, kulturikkut kingornussat nipilersornerlu tukummassassagai ikorfartorlugillu kiisalu iliuuseqarnikkut oqaatsit piujuarnissaannik ineriartornissaannillu tapersiissallutik.
- Ilisimasaqarneq, paasinninneq ilinniarnerlu siuarsassallugit paasititsiniaanermik, ilinniarnermk peqqinnermillu imalinnik tamaginnik ukiullit neqeroorfiginerisigut.

Isumaqatigiissut radio-mut, TV-mut digitalikkullu siammerivinnut piumasaqaateqarpoq naqissuserlugulu KNR siammerivitsigut siammerissasoq, innuttaasut inissismaffiini – nalinginnaasutigut digitalikkullu. Uani pineqarput KNR-ip TV aamma radiokkut kanaliini, nittartakkakkut www.knr.gl, livestreaming-ikkut, on-demand-imik sullissivikkut kiisalu inuit attaveqaqatigiiffiini saqqumilaarnikkut.

Isumaqatigiissutip eqqortinnissaa anguniarlugu KNR ilaatigut pisussaaffeqarpoq minnerpaamik ukiumut suliaqassalluni ukuninnga:

Radio: minnerpaamik 3.267 tiimit nammineq aallakaatitassiussasoq kiisalu 213 tiimit avataaniit kalaallisut aallakaatitassiat

TV: minnerpaamik 826 tiimit nammineq aallakaatitassiussasoq kiisalu 99 tiiminik avataaniit kalaallisut aallakaatitassiat

Nammineq aallakaatitassiat sinaakkutit iluini ukuninnga suussuseqassapput:

- Nutarsiassat sammisallu nutaat
- Eqqumiitsuliorneq kulturilu
- Meeqqat inuusuttullu
- Timersorneq
- Peqqinneaq
- Atuartitsineq
- Aallakaatitsinerit qallunaatoortut
- Qallunaatuunngortitat

Isumaqatigiissutip aallakaatitassiani assut pitsaassuseq pingaartippaa, kalaallit oqaasii, kulturi kiisalu KNR-ip nuna tamakkerlugu tusagassiuutitut pitsanngorsarnissaa assut pingaaartinneqassasut. Tamanna ilutigalugu isumaqatigiissutip aalajangersarpaa, KNR-ip atuisut naammagisimaarinninneri uuttortartassagai, ataavartumillu pitsaassutsimik ineriartitsiuassasoq.

KNR pingaarnerusumik nunap karsianit aningaasalersorneqassaaq tapertalerlugu ussassaarutinit isertitanik, aningaasaliissutinik allanillu isertitanik. 2024-imi aningaasaliinerit ukiumut 73,4 mio. kr.-inik amerlassuseqarput.

Innuttaasunik sullissinermik isumaqatigiissut 2023-mit allannortinneqanngilaq taamaalillunilu 2024 ingerlatsinermut tunngaviulluni.

A close-up photograph of a woman with dark hair tied back, wearing black over-ear headphones with a yellow AKG logo and a pair of round-rimmed glasses. She is smiling warmly at the camera. In the lower right foreground, a professional condenser microphone on a stand is partially visible, its mesh grille facing towards the center. The background is a soft-focus studio or stage environment.

**4. KNR-ip imaa
siammarteriviillu
2024-mi**

4.1 Radio

KNR Radio ulloq unnuarlu aallakaatitsisarpoq, KNR-illu innuttaasunik kiffartuussinermini kanaalini pingarnerpaat ilagalugu innuttaasunut ulluinnarni annertuumik attaveqartuulluni. Aallakaatitat nutaarsiassaniit inuiaqatigiinnut tunngasunik kulturimik, oqaluttuarisaanermik, timersornermik, oqallinnermik kiisalu aliikkusersuinernik imaqparyut.

Aallakaatitsineq ullaat tamaasa nal. 6.30 aallartittarpoq 22.30 missaatalu tungaanut ingerlasarluni, unnuullu unnuallu sinnera aallakaateqqitanik imaqpartarluni kiisalu toqqorsivimminngaanneersunik. Radio-p ullaat tamaasa nipaannakkut aallakaatitsinerit naatsut tannerillu ingerlattarpai, imaalu ullutsinni pisunut aamma innuttaasut qaammasnarernik, isumassarsiornissaannut oqallinnermullu pisariaqartitaannut nalimmassarneqartarput.

Ullut tamaasa aallakaatinneqartartut ullaakkullu aallakaatitsineq

Radio-p aallakaatitassiaani qitiutitat ilagaat Nunatta Nipaa – KNR-ip ullaakkut aallakaatittagaa – 2024-mi suleqatigiinnit aaliangersimasunit tallimanit aallakaatinneqartartoq. Aallakaatitassiaq toqqaannartumik aallakaatinneqartarpoq, qulequettallu tamalikaartut saqqummiunneqartarlutik nutaarsiassaniit kulturikkullu aaqqissuussaniit ilinniarfinnut qinnuteqarnissamut killiliussanut, skat-imut nalunaarsuinernut aamma akuersissutinut tunngasunut. Pingaartinneqarpoq Kalaallit Nunaat tamakkerlugu attuumassuteqartunik ilisimasanillu atorneqarsinnaasunik ingerlatitseqqinnissaq.

Aallakaatitassiat toqqorsivimmeersut aalajangersimasunillu qulequtsikkanik aaqqissuussat

KNR Radio sapaatit akunneri tamaasa arlalinnik aalajangersimasunik qulequtsikkanik aallakaatitassiorpoq, periarfissiisunik itisiligassanik, oqallissanik oqaluttuanassanillu:

- Oqaluttuarisaanerput alakkarterparput: Oqaluttuarisaaneq pillugu aallakaatitassiaq, inuit soorlu Hans Anthon Lynge aamma Aqqaluk Lynge inuunermut annertuumik allannguutaasunik nipangiussanillu oqaluttuareqqiisut
- Aqqutiga: Inunnut ataasiakkaanut tunngasoq sukumiisumillu apeqqarissaarluni aallakaatitassiaq inuunermut annertuumik allannguutinik nipangiussanillu imalik.
- Eqqartortig: Aallakaatitassiaq politikkimut attuumassutilik inuiaqatigiinnillu paasinianermerk tunaartalik
- Tamalaat: Sapaatip akunnikkaartumik oqinnerusunik imalik iluarismaarnartunik, isumassarsiorniusinnaasunik oqaluttuanillu ullutsinnut naleqquttunik.
- Oqalliffik: KNR-ip sapaatip akunnikkaartumik oqalliffittut aallakaatitassiaa partiineersunik, kattuffinneersunik aamma inuinnarneersunik pulaartoqarfik, tallimanngornerit tamaasa aallakaatinneqartartoq.

Taakkua aaqqissuussat KNR-ip nuna tamakkerlugu paasissutissiisartutut inissisimanera naqissuserpaa paasissutissiinernik, ilinniartitsinermik, eqqumiitsuliornermik kiisalu inuiaqatigiinni siamasissumik peqataatitsisumillu oqallinnernink ingerlatitseqqisiisutut.

Timersorneq

Timersorneq 2024-mi aalajaatsumik radio-p aallakaatitaanni inissisimasimavoq, sapaatip akunnikkaartumik nalunaaqutap akunnerisa aappaa avillugu missaanik sivisussuseqartumik. Tassani sumiiffinni ataasiakkaani aamma nunarsuaq tamakkerlugu pisut sammineqartarput, kalaallit ingerlatsisut illoqarfinni nunaqarfinnilu pisut aallaaviginerullugit. Aallakaatitat taakkua nuna tamakkerlugu timersornermik ataqtigiiitsilernermik saqqumilaarnermillu pilersitsisarput.

Meeqqat inuusuttullu

KNR-ip aallakaatitassiai meeqqanut inuusuttunullu tunngasut 2024-mi annikillisarneqarput. Inuusuttunut aallakaatitassiaq aalajangersimasoq Inuushow radio-kkut aallakaatitassiatut unitsinneqarpoq, sulisut TV-kkut aallakaatitassianut digitalikkullu siammarterivinnut nuutsinneqarmata. Tamanna aalajangersimasumik anguniagaqarluni pivoq, tusarnaartartut amerlassusaannik nalilersuinermilu ersermat meeqqat inuusuttullu annerusumik inuit attaveqaqtigiaffiiniinnerusartut nalinginnaasumik radio-kkut aallakaatitsiffiiniinnatik.

Avataani aallakaatitassiorneq suleqatigiinnerlu

Sulisussaaqinerup kingunerissaanik KNR Radio-p 2024-mi avataaniit ilangutassiisartut tusagassiortullu iminneqartartut amerlisimavai. Avataaniit suleqateqarneq, sineriammeersunik Nuummeersunillu, pilersinneqarlunilu nanginneqarsimavoq, taamaalilluni aallakaatitat assigiinngiiaerner sumiiffinnullu ataasiakkaanut inissiinerit pisinnaanngortissimavai, naak akissat killeqaraluartut.

Eqikkaaneq – KNR Radio

2024 aallakaatitassiornermut pingaarnersiuinernillu tunngasunik ilungersunartorsiorfiusimavoq, kisiannili aamma aaqqissuisoqarfiup aalajaanneranik nukittuffiusimalluni. Naak isumalluutit killeqarsimagaluartut KNR Radio-p ingerlatsinini siamasissumiitissinnaasimavaa, ulluinnarnilu inuuneq, oqallinneq, kulturi timersornerlu aallakaatitassiarisinnaasimallugit. Immikkoortortaqarfiup nalimmassarsinnaassutsi pimoorussisinnaassutsilu takutissinnaasimavaa, qulakkeersinnaasimallugulu inuiaqatigiinnut tamanut naleqquttunik, tamatigoortunik inuiaqatigiinnullu tunngasunik radio-kkut aallakaatitassiorsinnaanini attattuarsimavaa.

4.2 TV

2024-mi KNR aallakaatitassorsimavoq katillugit 704 tiiminik imaqartunik, agguarneqarsinnaasunik nutarsiassanut, kulturimut, aliikkutassiornermut, timersornermut, meeqqanut aallakaatitanut kiisalu pisunut annertuunut. Ukiup ilisarnaatigisimavaa annertuumik aallakaatitassiorneq aamma nalimmassaanerit pisariallit, pingaartumik sulisussaqarniarnermi, teknikkikut atortut suleqatiginneriaatsillu.

2024-mi aallakaatitani sanaartukkanilu qitiunerpaasuni taaneqarsinnaapput: Issittormiuqqat, Inuushow, Qanoroog, Illeq, Aqqusaaq, kunngikkormiut Kalaallit Nunaannut tikeraernerisa aallakaatitassiarineri, Futsal, assammik arsarneq, Qajaq, Avannaata Qimussersua, arsamik GM, Arctic Winter Games (AWG) Alaskami kiisalu Peqatigiiffit kattuffiat Inuit ukiut 50-inngorlugit nallittorsiornerat, toqqaannartumik Vejlemiit aallakaatinneqartoq.

Aliikkusersuineq sunniivigeqatigiinnerlu: Aqqusaaq

Aqqusaaq 2024-mi tallimanngornerit tamaasa toqqaannartumik aallakaatinneqartarpooq, aallakaatitarlu alutorineqarlualerluni amerlasuunit peqataaffigineqarluni isiginnaarneqartartoq. Sapaatit akunneri tamaasa aallakaatitsivimmut pulaartoq qaaqquneqartarpooq aqutsisoq peqatigalugu oqitsumik unammisinneqartarluni, nammineq misigisat assillu oqaluttuariitigalugit. Isiginnaartut SMS aqqutigalugu peqataasinnaatitaapput ajugaasullu akissarsisinneqartarlutik.

Immikkut ittumik SMS-ikkut unamminermi isertitap ilaa ajunngitsuliornernut siunertalinnut tunniunneqarpoq. Ukiup naanerani naggataamik aallakaatitsinermi 172.494 kr. Neriuffik-mut tunniunneqarsimapput. Aallakaatitap taamaalilluni aliikkusersuineq, ajunngitsuliorneq ataatsimooqatigiinnissamullu suliniuteqarneq akulerullugit ingerlappai.

Meeqqat inuusuttullu

Meeqqanut inuusuttunullu immikkoortortaqarfik 31. august tungaanut aaqqissuussinerup iluani radio-p immikkoortortaqarfianiippoq, 1. septemberimiilli TV-p immikkoortortaqarfianut nuulluni. Ukumi qaammatit arfineq pingasut siulliit iluanni ullormut radiokkut akunneq ataaseq aallakaatitsisoqartarpoq aamma sapaatip akunneranut marloriarluni TV-kkut aallakaatitsisoqartarluni, taakkua saniatigut inuit attaveqaqatigiiffiini ingerlatsisoqartarluni.

Sulisut tungaatigut allannguisoqarnikkut taamanikkut sulisut KNR qimappaat, piffissallu iluani immikkoortortaqarfik taamaallaat teknikkikkut sulisunik sulisoqarluni. Novemberimi sulisut nutaat atorfinitssinneqarput – taakkununnga ilanngullugit aaqqissuisoq pilersaarusiortullu marluk, ukiup naajartornerani tunaartaqarlutik formatit isiginagassallu nutaat inerisarnissaannik suliaqartut. 2025-imi immikkoortortaqarfiup annertusinissaa inuit attaveqaqatigiiffiini peqataasussanngorlugu suliniutigineqarpoq, taassumalu iluani TikTok-imi aallartinnissaq.

Katillugit 27 tiiminik TV-kkut meeqqanut inuusuttunullu aallakaatitassiortoqarpoq, taamaalillunilu isumaqatigiissutip piumasaqaataa ataanneqarluni, eqqortinnejqarporli pineqartunut anguniagaq digitalimut nuukkiartuaarneqassasoq.

Timersorneq eqaarsaarnerlu

2024-mi timersorneq pillugu toqqaannartumik 177 tiimit aallakaatinneqarput, anguniakkamit 103 tiiminik ikinnerullutik. Ukiup ilisarnaatigaa pilersaarutaasumik sipaarniartoqarmat naatsorsuutigingisamillu allanngortitsisoqarluni. KNR-ip aaliangiuppaa Alaskami AWG-p toqqaannartumik aallakaatinneqarnera annikillisarniarlugu aningaasartuutit amerlavallaarneri pissutigalugit – paarlattuanik aallakaatitat aaqqissuussat pingasut aallakaatitassiarineqarput.

Taakkua avataatigut timersoqatigiiffiit kattuffii arlallit KNR ilisimatinnagu ullunik allanngortitsippu, soorlu Arctic Sports Greenland pissartanngorniunneri kiisalu futsal-imik unamminerit KAK-p ataani.

Aammattaaq siulersuisut 2024-mi aalajangerput GIF-imut isumaqatigiissutip eqqortinnissaata anguniarnissaa pitsanngorsarniarlugu, taamaalilluni timersuutinik atuisut 18-it sinnerlugit ukiullit malinnaaffigineqarnerulerlerinik. Pingaartumik assersuutigalugu qaannamik unammersuarnerni meeqqat siusinnerusukkut aallakaatitassiarineqartarnerinut sunniuteqarmat.

Eqqumiitsuliorneq, kulturi aamma pisut annertuuut

KNR TV 2024-mi 256 tiimini kulturimik imalinnik aallakaatitassiorpoq, tamannalu anguniakkamit qaffasinneruvooq. Tassani pingaaruteqarluinnartoq tassaavooq oqalulluni aallakaatitassiaq Illeq, sapaatip akunneranut marloriarluni aallakaatinneqartartoq, sammisarlugillu kulturi, peqqinneaq, ilinniartitsineq aamma inuiaqatigiit. Aallakaatitassiat akuleriissippi sineriammut paasisassarsiornerit toqqaannartumillu apeqqarissaarinerit taamaalillunilu ulluinnarni Kalaallit Nunaat atituumik takusassiarinissaa qulakkeerlugu.

Taakkua avataasigut aallakaatitassiat annerusut aallakaatinneqarput:

- Juullimut tusarnaartitsineq Hans Egedep Oqaluffiani
- KNR-ip Juullimut aallakaatitsinera
- Kalaallit Peqatigiiffiisa Kattuffiat INUIT juullimut pilluaqqusinerat, toqqaannartumik Vejle-

mit aallakaatinneqartoq

- Juullimi naalagiärnerit marluk aamma ukiortaami naalagiärneq
- Ukiortaami isiginnaartitsineq Nunatta Isiginnaartitsisarfia-ni atuartunit peqataaffigineqartoq
- Nunarsuaq tamakkerlugu suliniut nutaaq tassaavoq Pan Arctic Vision, toqqaannartumik tusarnaartitsineq Norgimi NGO suleqatigalugu, Katuaq-miit TV-mut YouTube-milu issittoq tamakkerlugu isiginnaartartunut aallakaatinneqartoq. TV-p teknikkikkut aaqqissuussineq suliarivaa, maannangaarlu aappaagu Iqaluit-ni, Canada-mi aallakaatitsinissamut qaaqquaareersimalluni.

Avataaniit aallakaatitassiorut suleqatigisallu

NTK peqatigiiffit ingerlasut amerlassusaat marlunnut ikileriarsimapput, taakkualu pingaärnerusumik atorput aningaasarsiutigalugu satellit-TV-mik ingerlatsisuullutik. KNR-imut pisariaqarsimavooq allat avataaniit aallakaatitassiorut KNR-ip aallakaatittagaanut pilersuisimasut suleqatigineri annertusissallugit.

Nikerartumik avataaniit sulisoqartarneq aallakaatitassiat pitsaassusaasa siamasissumillu imaqartarnerisa aalajaannerinut pingaaruteqarsimavooq, piffissap iluani isumalluutinik amikkittoornermi.

Teknikkikkut ineriartorneq atortullu

2024-p ilisarnaatigisimavaa teknikkikkut ineriartorneq atortunillu taarsiineq. KNR-ip Boffins-imut kiffartuussinermut isumaqatigiissut nutartersimavaa (svenskit software-imut suliffeqarfiataat KNR-ip aaqqissuussinermut ingerlatsinermullu atortuinik pilersuisoq), server-imut pingaärnermut playoutsystemimullu aningaasaliisoqarsimavooq, AI-p atornissaanut piareersaataasumik.

Aammattaaq videomikserimik angallattakkamik pisisoqarsimavooq, taassumalu angallassinermi oqimaassuseq 30 kg. missaanik oqileriartissimavaa. Atortulli ilaat, taakkua iluanni PTZ assiliiviit nungullarsimapput 2025-milu taarsertariaqarlutik.

Nuup Mittarfiata ammarneqarnerani aallakaatitsinermi KNR signalit aaqqutaannik ajornartorsiorsimavooq. Maannakkut Tusass oqaloqatigineqarpoq data-t ingerlaarnerinik patajaallisaaneq pillugu kiisalu allatut ingerlatsinernik nassaarniarnermik.

Ilinniartut pingasut TV-p teknikkeqarfianiipput aallakaatitassiorermik, qaamanermik nipimillu ilinniartuullutik. Ataatsip upernaaq 2025 ilinniarnini naammassisssavaa.

Eqikkaaneq – KNR TV

2024 KNR TV-mut ulapiffiullunilu siuariartorfiusimavooq, aallakaatitassiat tunniussai tamatigoortuullutillu nukittusimallutik naak aaqqissuussinermi, sulisussaqarniarneq teknikkikkullu unamminarsimagaluartut. Immikkoortortaqarfiup assut eqaatsuunini takutissimavaa allannguisinnaassutsinilu – aaqqissusoqarfikkut aamma teknikkeqarnikkut – suleqatigiinnerit malitassallu nutaat aallarnisarsimallugit 2025-mut siusinnerusumullu ingerlasussat.

4.3 Nutaarsiassat

KNR Nutaarsiassat KNR-ip innuttaasunut kiffartuussineranut suliaani qitiupput ullullu tamaasa Kalaallit Nunaat tamakkerlugu nutaarsiassanik aallakaatitsisarlutik radio, TV digitalikkullu siammerteriviit akimorlugit. Immikkoortortaqrifimmiippuit radioaviisi, Qanoroog kiisalu internetimik aaqqissuisut, tamarmik ulloq unnuarlu nutaarsiassaqaqtitsinermik qulakkeerinnittut.

Nutaarsiassaqaqtitsiniarneq unammillernartoqarpoq

2024 nutaarsiassaqaqtitsivimmut annertuumik unamminartoqarsimavoq. Tusagassiortunik amigaateqarneq, pingaartumik radioaviisimi kalaallisoortumi, ulluinnarni aallakaatitsinermut toqqaannartumik sunniuteqarsimavoq. Pisortaqrifiup atorfinititsiniarluarnera atorfiiit tamaasa inuttalernerinik kinguneqarsimanngilaq, tamannalu aallakaatitsinernik pingaarnersiuinermik imarisaanillu allangortitsinermik pisariaqarsimalluni.

Kingunerisimavaa ullormut radioaviisit amerlassusaat ulluinnarni pingasunut ikilisimammata, siusinnerusukkut sisamaagaluartut, weekendinili nalinginnaasumiiginnarsimallutik. TV-mi Qanoroog ullormut aallakaatitsinerit nangissimapput ataasinngornermiit tallimangnornermut nal. 19 kalaallisut, taassuma qaavatigut unnuq taanna kingusinnerusukkut nutsikkamik qallunaatut allagartalersorneqartumik aallakaatitsisarlutik. Weekendini Qanoroog Weekend arfininngornikkut aallakaatinneqartarpoq, aammattaaq DR2-mi.

Imaanik pingaarnersiuineq

Naak nutaarsiassaqaarfik unamminartorsioraluarluni pingaartissimavaa politikkikkut, kulturikkut inuiaqatigiinnilu pisut aallakaatitassiarissallugit. Aaqqissuisoqarfiit aalajangersimasumik Inatsisartut katersuutarneri aallakaatitassiararpaat, kommunalbestyrelseni ataatsimiinnerit, inuiaqatigiinni politikkikkut aalajangiinnerit, akerliussutsimik takutitsinerit, nuna tamakkerlugu eqqaaniaanerit allallu nutaarsiassat innuttaasunit soqutiginarsinnaasut. Taakkua qaavatigut toqqaannartumik immikkut ittumik pisunik aallakaatitassiorneq aamma nutaarsiassat takkuttut, aaqqissuisoqarfiup isumalluutit aallamut nuunnerisigut perisaapallattariaqartarput siammerteriviit akimorlugit.

Sulisussaaleqineq pissutigalugu aallakaatitassiat immikkoortut ikinnerit tusagassiuerillu aallakaatitassiarineqarsimapput, immikkoortortaqrifullu nutaarsiassat naatsut, tusagassiutitigut nalunaarutit suleqatigisaniillu pissarsiat isumalluutigisariaqartarsimavai tusagassiineq tamatigoortoq qulakkeerniarlugu.

Nutserisarneq oqaatsinillu atuineq

Suliassat pingaarutillit ilagisimavaat nutaarsiassat nutserneqarnissaannik qulakkeerineq, imai kalaallisut qallunaatullu saqqummiunneqarniassammata. Suliassaq taanna nutserisunit aalajangersimasumik atorfiliinnit annertuumik suliarineqarsimavoq, qulakkeerinnissimallutik, TV-kkut nutaarsiassat nutaarsiassallu digitaliusut oqaatsit marluk atorlugit pissarsiarisinnaanissaannut. Nutserisarneq suli assut pingaatinneqarpoq innuttaasunik kiffartuussinermut pisussaaffik qulakkeerniarlugu kalaallisut qallunaatullu oqaluttut innuttat kiffartuunneqarniassammata.

Digitaliusumik nutaarsiassaqaqtitsineq

2024-mi nittartakkamik aaqqissuisoqarfiik nutaarsiassaqaqtitsiniarnermi sunniuteqarluartuarsimavoq. Nittartagaq knr.gl qitiusumik aallaaviusimavoq nutaarsiassanik nutarteriviujuartuulluni, nutaarsiassanik nutaaruinnarnik kiisalu liveblogs-inik. Nittartakkap alakkaneqartarnera inuit attaveqaqtigiiffiisa annertuumik ingerlappaat, pingaartumik Facebook-ip, tassani KNR-ip nutaarsiassanik nittartagaa annertusigaluttuinnartumik sunniivigeqatigiiffiusimavoq siaruaraluttuinnarluni.

Aaqqissuisoqarfiiut nutserinermut qanumut suleqatigiissimapput kanaalillu akimorlugit saqqummersitsisarsimallutik, digitalini atuartartut nutaarsiassat radio-mi TV-milu takuneqartartut assingi periarfissarisimallugit.

Isumalluutit killeqartut ataanni sulineq

Aallakaatitassiorneq ingerlaannaqqullugu nutaarsiassaqartitsinermut immikkoortortaqarfik 2024-mi annertunerusumik vikarit, imitsittartut suleqatillu avataaneersut atugarisimavaai. Aammattaaq suleqatigiit suliat atorfii akimornerisigut suliarisinnaasimavaat, qulakkeerniarlugu ulluinnarni nutaarsiassaqartitsinissaq. Tamanna aalajangersimasumik atorfiliinnut assut ulapititsisimavoq, pisariaqarsimallunilu suliassanik aallakaatittakkanillu pingaarnersiuineq.

Soorlu immikkoortoq 4.5-imi sammisat kisitsisinngortinneranni, sulisussaaaleqineq toqqaannartumik nutaarsiassat aallakaatinneqartut amerlassusaannut sunniuteqarsimavoq. Naak unammilligassaaqaraluartoq pisortaqarfiup nalilerpaa, KNR Nutaarsiassat Kalaallit Nunaanni nutaarsiassanik inuiaqatigiinnullu paasissutissanik pingaarnertut pisussaaffini 2024-mi ingerlatiinnarsimagaa.

Eqikkaaneq – KNR Nutaarsiassat

KNR Nutaarsiassat 2024-mi Kalaallit Nunaanni nutaarsiassanik ingerlatitseqqiisutut pingaarnersatut inisisimanini ingerlatiinnarsimavaa, naak annertuunik sulisussaaaleqinernik unammilligassaaqaraluartoq – pingaartumik radioaviisimi. Tamanna aallakaatitsinernik annikillisaarinernik kiisalu sulisunut annertunerusumik suliakkiinernik, aammali imitsittartunik avataaniillu suleqateqarnerik annertunerusumik atuinernik kinguneqarsimavoq. Politikkikkuut inuiaqatigiinnilu pisut pingaaruteqartut pingaarnerutinneqarput, kalaallisuumut qallunaatuumullu nutserisarneq suli pingartinneqaaqluni. Digitaliusut atorlugit knr.gl inuillu attaveqaqatigiiffii aqqutigalugit nutaarsiassaqartitsineq pingaaruteqarsimaqaaq siamarlarluttuinnarlunilu. Naak nammineq aallakaatitassiat annikilligaluartut nalilerneqarpoq, KNR-ip nutaarsiassanik naleqquttunik siamasissunillu imalinnik tunniussisimasoq siammerteriviit akimorlugit.

4.4 Digital aamma online

KNR-ip online-kkut aallaavii ullumikkut KNR-ip innuttaasunik sullissinermut neqeroorutaasa inuiaqatigiinnullu attaveqarnerat annertuumik ilagivaa. Attaveqaatinik atuinerup allanngoriartornera malillugu KNR-ip digitalikkut saqqumilaarnini annertooq ineriartortissimavaa, nutaarsiassanik nittartagaq, streaming, on-demand, podcast, inuit attaveqaqatigiiffii, tekst-TV kiisalu internet-ikkoortut kiffartuussinerit. Kisitsisitigut paasissutissat allaaserinninnerillu atorlugit imaata inunngisai takutitsinerillu siammerteriviit akimorlugit ilisaritinneqarput, allaaserisallu takutippaa, qanoq KNR digitalikkut isiginnaartaartut attatiinnarniarlugin soqtiginnitsittuaniarluggillu sulinersoq – Kalaallit Nunaanni aamma nunarsuaq tamakkerlugu.

Web

KNR.gl, KNR-ip pisortatigoortumik nittartagaa, imaqarpoq:

- **Nutaarsiassanik immikkoortortaq** nutaanik nutaarsiassaqtitsisoq, silassaq, toqqaannartumik aallakaatitsivik, immikkoortortat allat allarpassuillu
- **TV-mut, immikkoortortaq** knr.gl/tv kanaalinik marlunnik streamingilik (OTT), aamma on-demand TV toqqorsivik, kanaalinut pingasunut aggulunneqartoq;
- knr.gl/TV (7000 miss. videot 2024-ip naalernerani)
- knr.gl/TV/nutaarsiassat (4000 miss. videut 2024-ip naalernerani)
- knr.gl/TV/meeqqanut (500 miss. videut 2024-ip naalernerani)
- **Radiomut immikkoortortaq** knr.gl/radio podcast-ilik (on-demand), kanalstreaming (flow), pilluaqqussutinik nassiussiffik allallu kiffartuussiffit.
- **Atuisut immikkoortortaqarfiat** atuisunut assiisivitalik knr.gl/assiisivik, allallu online-kkut kiffartuussiffit

YouTube

- Youtube.com/KNRGreenland (imalik KNR 1 aamma KNR 2 streaming (flow), aamma KNR TV-p aallakaatitassai (on-demand) – knr.gl/tv).
- Youtube.com/nutaarsiassat (KNR-ip nutaarsiassanik aallakaatitsivii, assigalugu on-demand – knr.gl/nutaarsiassat).
- Youtube.com/meeqqanut (KNR-ip meeqqanut aallakaatitassiai, assigalugu on-demand – knr.gl/meeqqanut).

Facebook

- Facebook.com/nutaarsiassat aamma Facebook-imi quppernerit radio – aamma tv-mi aallakaatitassat – Nunatta Nipaa-niit Illeq-miillu meeqqanut allakaatitassianut assigiinngitsunut.

Streaming aqqutigalugu kiffartuussinerit

- Streaming KNR1, KNR2 aamma KNR radio-mut (flow).

Podcast

- KNR.gl, Libsyn, Apple Music, Spotify aamma Google Podcast (tamarmik on-demand kiffartuussinerupput).

SMS 1717

- Mobil-ikkut kiffartuussineq 1717, polls-it, indbakke aamma distributionslistit TV-t radio-llu assigiinngitsut aallakaatitassaat.


TTV

- KNR1-imi aamma KNR2-mi Tekst-TV nutaarsiassanik, aallakaatitassanik, timmisartunullu paassisutissanik il.il. imalik.

Lysavis


- KNR-ip lysavis-ia nutaarsiassanik nutaanik imalik Nuup qeqqaniittooq.

KNR.gl, atuisut atuinerlu



Tabel 1.0 – 2024-mi nittartakkamik alakkaanerit: 10.280.008.

Amerlanerpaat 28. november Nuummi mittarfittaap atoqqaartinnera; immikkut 66.634-it.



Tabel 1.1 – Ullormit ataatsimit assersuut, ataasinngorneq 14. januar 2024



Tabel 1.2 – Ullormit ataatsimit assersuut, ataasinngorneq 14. januar 2024

Ukioq	KNR.gl-immi atuisut ataasiakkaat
2024	1.322.736
2023	1.271.704
2022	1.643.826
2021	1.897.834
2020	1.822.582

Tabel 1.3 – Ukiut kingulliit 5 atuisut ataasiakkaat ineriarornerat

Ukioq	KNR.gl-imik alakkaassut
2024	10,3 mio. miss.
2023	11,3 mio. miss.
2022	14,2 mio. miss.
2021	18,9 mio. miss.
2020	16,8 mio. miss.

Tabel 1.4 – Ukiut kingulliit 5 nittartakkamik alakkaasut nikikiartornerat.


<input checked="" type="checkbox"/>	Total	1,322,736 100% of total
<input checked="" type="checkbox"/>	1 web / mobile	848,963 (64.18%)
<input checked="" type="checkbox"/>	2 web / desktop	422,370 (31.93%)
<input checked="" type="checkbox"/>	3 web / tablet	50,986 (3.85%)
<input checked="" type="checkbox"/>	4 web / smart tv	218 (0.02%)

Tabel 1.5 – 2024-mi nittartakkamik alakkaasut mobiilinut, qarasaasianut aamma tablet-inut agguallugit. Smart TV-niit internetikkut alakkarterisoqanngisaannaangajappoq.

Ukioq	Mobil	Tablet	Qarasaasiaq
2024	64,2 %	3,9 %	32,0 %
2023	68,7 %	4,9 %	26,4 %
2022	70,4 %	5,9 %	23,7 %
2021	71,0 %	6,5 %	22,5 %
2020	69,2 %	7,8 %	23,0 %


Tabel 1.6 – Ukiuni kingullerni 5-ni KNR.gl-imik alakkaanermi atortut ineriarornerat.

Atuisut angutinut arnanullu agguanneri



Tabel 1.7 – KNR-gl-imik atuisut angutinut arnanullu agguanneri

KNR TV Streaming og VOD (Video On Demand)




Tabel 2.0 – KNR TV-p internetikkut alakkarneqarneri tamarmiusut (streaming / on-demand)

KNR 1-imik aamma KNR 2-mik TV-kkut streamerinerit (flow)

KNR TV streaming isiginnaarnerit


2020-2024



Tabel 2.1 – Ukiut kingulliit 5 KNR 1-imik aamma KNR 2-mik streameraluni isiginnaarnerit ineriartornerat. Takutinneqarput videot qasseriarlutik aallartinneqarneri. Kisitsisit takutippaat ullup unnuallu ingerlanerani agguaqatigiissillugu tiimit 5.042.

KNR TV streaming nal. akunneri


2020-2024



Tabel 2.2 – Ukiuni kingullerni 5-ni KNR 1-imik aamma KNR 2-mik streamerinerut nal. akunnerisa atorneqartut ineriartornerat. 2024-mi nal. ak. katill.: 1.195.343, assigaat ulloq unnarlu agguaqatigiissillugu akunnerit isiginnaarfiit 3.275-it.


TV on-demand KNR, KNR Nutaarsiassat, KNR Meeqqanut

KNR TV-p kanaalia pingaarneq knr.gl/TV (on-demand)




Tabel 2.3 – 2024-mi kanaalimi pingaarnermi KNR-ip TV-kkut aallakaatitaanik on-demandinik isiginnaarnerit: 2.883.808. Uani ilaanngillat KNR Nutaarsiassanut aamma KNR Meeqqanut toqqorsiviit. Amerlanerpaaaffiit: Avannaata Qimussersua 2024, 3.089-riarluni isiginnaarneqartoq aamma Illeq 17. 10. aallakaatitaq, eqqumiitsunik misigisanut tunngasoq, 2.966-riarluni isiginnaarneqartoq.

KNR TV on-demand isiginnaarnerit 2020-2024




Tabel 2.4 – Ukiut kingulliit 5 isiginnaarnerit. 2022-miit on-demandimik isiginnaartut annikitsumik ikiliartorput, 2024-mi ukiuni 4-ni ikinnerpaallutik. Ilutigisaanik KNR1-imik aamma 2-mik streamerinerit amerliartorput. Ataqatigiinnersut imaaliallaannaq takujuminaappoq, aamma taamaaginnassanersoq nalilissallugu siusippallaarpoq. Streaming (KNR-ip TV-kanaaliinik live-mik isiginnaarnerit) aamma on-demand (toqqorsivimmit aallakaatitat atuisut namminneq toqqagaat) immikkoortinneqarput. Streaming 2024-mi qaffariarpoq, on-demandili annikitsumik appararluni. Isiginnaarneqarnerisa amerlassusaasa takutippaat imarisasunik – kalaallisluuinnangajak oqaluffiusunik – soqtiginnilluarneq.

KNR TV on-demand nal. akunneri 2020-2024




Tabel 2.5 – 2024-mi nal. akunneri isiginnaarfiit suli qaffasipput, ukiulli siuliinit ikinnerullutik

KNR Nutaarsiassat on-demand isiginnaarnerit 2020-2024



Tabel 2.6 – Nutaarsiassanut kanaalimik isiginnaarnerit aatsaat taama amerlatigaat, 25 % miss. amerleriarlutik. Atuinermi Qanoroqq isiginnaarneqakulanersaavoq.


KNR Nutaarsiassat on-demand nal. akunneri 2020-2024



Tabel 2.7 - Isiginnaarnerit assigalugit nal. akunnerisa amerlassusaat aamma aatsaat taama annertutigipput.


KNR TV-p meeqqanut aallakaatittagaa 'Meeqqanut' (on-demand)

Your videos got 915,861 views in 2024




Tabel 2.8 - Grafimi takuneqarsinnaasutut, isiginnaarneqartut ukiup naalernerani qaffariarput, tamatuma nalaani meeqqanut aallakaatitassiat nutaat TV-kkut takutinneqarput. Meeqqanut aallakaatitaq ataaseq 2024-mi 915.861-eriarluni isiginnaarniarlugu aallartinneqarpoq.

KNR Meeqqanut on-demand isiginnaarnerit 2020-2024



Tabel 2.9 – Ukiuni kingullerni 5-ni ‘knr.gl/tv/meeqqanut’-mik isiginnaartut ineriartornerat


KNR Meeqqanut on-demand nal. akunneri 2020-2024



Tabel 2.10 – Ukiuni kingullerni 5-ini ‘knr.gl/tv/meeqqanut’-mik nal. akunnerinik atuineq.


KNR TV ataatsimut isigalugu

KNR Total on-demand isiginnaarnerit 2020-2024



Tabel 2.11 – 2024-mi ukiup ingerlanerani isiginnaarnerit 4,3 mio.-t assigaat agguaqatigiissillugu ullormut isiginnaarnerit 11.789-it.

KNR Total on-demand nal. akunneri 2020-2024



Tabel 2.12 – 2024-mi nal. akunneri isiginnaarfiusut: 894.628, imalt. agguaqatigiissillugu ullormut nal. ak. isiginnaarfiit 2.451-it.


Radio Streaming aamma Podcast/AOD (Audio On Demand)

	PODCAST SHOW (radio-kkut aallakaatitaq)	2024-mi tusarnaarnerit	2021-miit ataatsimut
1	Radiomi aallakaatitassiat, KNR	37.269	69.515
2	#Inuuushow – inuusuttunut, KNR	36.443	108.997
3	Aqqutiga, KNR	34.473	76.573
4	Radioaviisi, KNR Nutaarsiassat	31.141	303.655
5	Radioavisen, KNR Nyheder	26.114	218.259
6	Misigisat eqqumiitsut, KNR	17.332	154.557
7	Nunatta Nipaa, KNR	12.878	105.732
8	Oqaluttuarisaanerput alakkarterparput, KNR	8.790	49.004
9	Ilisaritippalik, KNR	8.481	48.060
10	Tamalaat, KNR	6.882	16.786
11	Inuaat Tillernerat, KNR	3.524	42.131
12	Oqalliffik	2.173	3.436
13	Aasarpalaaq, KNR	2.151	13.122
14	Ilisimatusarneq, KNR	1.859	3.321
15	Killiffik – Mudi Peqtigalugu, KNR	1.769	6.323
16	Mennesker og samfund (qall.) KNR	1.527	9.367
17	Timersorneq, KNR	1.398	3.902
18	Isuma, KNR	1.247	14.731
19	Issittormiuaqqaat, KNR Meeqqanut	1.142	8.300
20	Aasaanerani aallakaatitat, KNR	1.045	3.262
21	Ullukillisaarfik, KNR	971	10.525
22	Avammut alakkarterpugut, KNR	877	2.298
23	Eqqartortigit, KNR	705	981
24	Inussuk, KNR	622	4.086
25	Aliikkutassiat, KNR	503	7.015
26	Inersimasunut ammartagaq, KNR	354	1.233
27	Ileqqut, inooriaatsit ilisimasallu, KNR	172	918
28	Piorsarsimassuseq, KNR	89	2.511
29	Itsineq, KNR	45	776
	I alt 2024	241.976	1.289.376

Tabel 3.1 – Tusarnaarnerit/downloadit ataasiakkaat 2023-mi 360.221-niit 2024-mi 241.976-inut ikileriarput. Tamanna malunnaatilimmik appariarnerugaluartoq, arlalitsigut ilimanarpooq periarfissap nutaarsiassaavallaarunnaarnera ersiutigigaa, ilimanarporlu piffissap ingerlanerani assigiiarnerulissasoq.

2023-mi KNR-ip radio.livestreamiatigut ullormut tusarnaarnerit. 8.000-it 10.000-illu missaanniippuit.

Top posts by views




Tabel 4.0 – Facebookkikkut saqqummiussani alakkaneqarnerpaat tallimat.

- Inuuusuttut aappariit aallaannarput kollegiami inissaqqannginnamik** Isiginnaarnerit: 104.613 | Qisuariartut: 525 | Oqaaseqaatit: 350 | Siammassinerit: 44
- Qamuteralannik ajunaartut eqqaaniarneqarput – aliasunneq ersersittariaqarpoq** Isiginnaarnerit: 74.108 | Qisuariartut: 1.500 | Oqaaseqaatit: 151 | Siammaassinerit: 56
- Sooq Nuummuinnaq? Ilinniartut isumaqarput bilitsit akikitsut nunami tamarmi atuuttariaqartut.** Isiginnaarnerit: 59.039 | Qisuariaatit: 647 | Oqaaseqaatit: 262 | Siammaassinerit: 29
- Paul Watson iperagaasoq** Isiginnaarnerit: 58.844 | Qisuariaatit: 523 | Oqaaseqaatit: 298 | Siammaassinerit: 38
- Kranip uppinnera pissutigalugu Kissarneqqortuunnguami najugallit nuutsitaassapput** Isiginnaarnerit: 44.838 | Qisuariaatit: 249 | Oqaaseqaatit: 58 | Siammaassinerit: 71

Visits


733K 101.2%



Tabel 4.1 – KNR-ip Facebookkikkut nutaarsiassanut quppernerani 2024-mi alakkaanerit 733.045-t. Qaffariaat: 101,2%

Reach

955.9K ↑ 1.9%



Tabel 4.2 – KNR-ip Facebookkikkut nutaarsiassanut quppernera atuisunut 955.887-inut annguppoq.

Audience

Demographics


Trends Potential audience

Followers ⓘ


Lifetime

30,160


Age & gender ⓘ



Top cities



Top countries



Tabel 4.3 – KNR-ip nutaarsiassanut FB-kkut qupperneranik alakkaasut suminngaanneernerinik paassisutissat.

KNR arlalinnik Facebookikkut qupperneqarpoq. Taakkunani ersarissumik annerpaavoq nutaarsiassanut immikkoortortaqarfip quppernera **KNR.gl Nutaarsiassat/Nyhederne** uaniittooq: facebook.com/nutaarsiassat. Tassani nutaarsiassat imaqluuartut saqqummiunneqartarput knr.gl-imi saqqummiussanut attaviligaasarlutik (link).

KNR TTV (tekst-TV)

Tekst-tv-mi nutaarsiassat Drupal-imi, KNR-ip nittartagaata CMS-ian toqqaannartumik aaqqissorneqartarput.

Nutaarsiassat kingullit 25-t kalaallisut danskisullu tekst-tv-kkut saqqummersinneqarput. Tamatuma saniatigut TTV-mi saqqummiunneqartartut tassaapput aallakaatitassanut pilersaarutit, timmisartut tikiffissaat aallarfissaallu, paasissutissallu allat

KNR SMS 1717

KNR-ip mobilinut kiffartuussivia sms atorlugu unammisitsinernut, tv-kkut radio-kkullu toqqaannartumik taasisitsinernut kiisalu radio-kkut aallakaatitani innuttaasunik peqataatitsinernut, nutaarsiassaqartitsivimmut siunnersuutinut allatigullu atassuteqarnermut atorneqartarpoq.

Eqikkaaneq – Digitalimik internettikkullu saqqummiineq

2024-mi KNR tamatigoortumik annertuumillu digitalimik saqqummilaarpoq internetsikkut siammerterivimmini tamani milliuunilikkaanik isiginnaarneqarlunilu downloaderneqarluni. KNR.gl 1,3 milliuninik sinnilinnik ataasiakkaanik atuisoqarpoq quppernerillu 10 milliuninik amerlanernik alakkarterneqarput. Mobiilit qarasasianiit atorneqarnerat suli annertunerujuarpoq, aamma Inuit attaveqaqatigiitarfii annermillu Facebook atuinermut malunnaatilimmik ilapittuutaapput.

TV-streaming aamma on-demand suli qitiusumik inissisimapput, katillugit 4,3 mio. sinnerlugit isiginnaartoqarfiullutik nalunaqaqtallu akunneri isiginnaarfiit 894.628-ullutik. Kanaalit nutaarsiassaqartitsiviit aamma meeqqanut kanaali aatsaat taama isiginnaarneqartigipput, kanaalilli pingarnerup on-demandimik atorneqarnera appiararluni. Nipimut tunngatillugu KNR podcastformatinik 29-nik neqerooruteqarpoq Libsyn, Spotify, Apple nammineq nittartakkani aqqutigalugit.

Saniatiguttaaq tekst-TV, SMS-imik sullissiviit aamma KNR-ip assiisivia siornatigutut annertutiginngikkaluamik suli atorneqarput. Taamaalilluni KNR-ip digitalimik atuineq pillugu periusissiaata qularnaarpai atorneqariaannaassuseq annertooq, saaffigisanut tamatigoortumik attaveqarneq imarisaaasullu ilusaannik inerisaajuarneq atuisut tusagassiissutinik nikerartumik atuinerannut naleqqussagaasumik.

4.5 Ingerlatsinermi kisitsisit

Innuttaasunik sullissinissamik isumaqatigiissummi aalajangersarneqarput KNR-ip ukiumoortumik nammineerluni suliaminik avataaneersunillu suliarineqartunik pisiaminik aallakaatitassiorqartarnissaanut tunngatillugu piumasaqaatit – radio-mut TV-mullu immikkullu toqqakkanut agguaanneqartut. Ingerlatsinermit kisitsisit takutippaat 2024-mi KNR isumaqatigiissummi piumasaqaatinut naleqqiullugu ikinnerusunik namminerisaminik aallakaatitassiorsimasoq, piumasaqaataasunilli amerlanerusunik aallakaatitanik avataaneersunik pisismalluni.

Tamatumuuna ersersinneqarput KNR-ip 2024-mi ajornartorsiutigisimasai, tamakkununnga ilanngullugit sulisussaaleqineq – annermik nutaarsiassaqartitsinermut immikkoortortaqarfimmi – tamatumalu kingunerisaanik toqqorsivimmiititanik atuinerusariaqarsimaneq.

2024-mi nammineq aallakaatitassiat avataaniillu aallakaatitassiat ataatsimoortumik takussutissiarinerat:

Siammarterivik	Piumasaqaatit (nal. akunneri)	Piviusunngortut (mal. akunneri)	Nikingassut
Radio – nammineq aallakaatitassiat	3.267	2.698	-569
Radio – avataaniit aallakaatitassiat	213	335	+122
TV – nammineq aallakaatitassiat	826	704	-122
TV – avataaniit aallakaatitassiat	99	144	+45

Avataaniit aallakaatitassiat – Radio

Suussuseq	Piumasaqaatit (nal. akunneri)	Piviusunngortut (nal. akunneri)	Nikingassut
KNR-ip avataaniit aallakaatitassiat nunatsinni suliat	213	335	+122

Avataaniit aallakaatitassiat – TV

Suussuseq	Piumasaqaatit (mal. akunneri)	Piviusunngortut (nal. akunneri)	Nikingassut
KNR-ip avataaniit aallakaatitassiat nunatsinneersut	99	144	+45

Nammineq aallakaatitassiat – Radio

Suussuseq	Piumasaqaatit (nal. akunneri)	Piviusunngortut (nal. akunneri)	Nikingassut
KNR-ip nammineq aallakaatitassiai	3.267	2.698	-569

Nammineq aallakaatitassiat – TV

Suussuseq	Piumasaqaatit (nal. akunneri)	Piviusunngortut (nal. akunneri)	Nikingassut
KNR-ip nammineq aallakaatitassiai	826	704	-122

Sammisaqarfiit – Radio

Sammisaq	Piumasaqaatit (nal. akunneri)	Piviusunngortut (nal. akunneri)	Nikingassut
Meeqqat inuuusuttullu	403	217	-186
Eqqumiitsuliorneq kulturilu	1.440	1.359	-81
Timersorneq	106	126	+20
Nutaarsiassat ullutsinnilu pisut	975	731	-244
Ilinniartitsineq	11	56	+45
Peqqissuseq	19	30	+11
Qallunaatut aallakaatitat	313	179	-134

Temaområder – TV

Sammisaq	Piumasaqaatit (nal. akunneri)	Piviusunngortut (nal. akunneri)	Nikingassut
Børn og unge	53	27	-26
Kunst og kultur	231	256	+25
Idræt (sport)	280	177	-103
Nutaarsiassat ullutsinnilu pisut	225	213	-12
Ilinniartitsineq	21	15	-6
Peqqissuseq	16	16	0
Qallunaatut aallakaatitat	15	0	-15
Qallunaatut nutsikkat	80	96	+16

2024-mi aaqqissugaanikkut ajornartorsiutit, annermik sulisussaaaleqineq – ersipput, tamakkua kinguneraat nammineq aallakaatitassiat ikinnerunerat, avataaniillu aallakaatitassiat amerlanerunerat kiisalu toqqorsivimmeersunik atuineruneq.

Annermik radio-kkut meeqqanut inuuusuttunullu aallakaatitaasiорнерунисамик piumasaqaatit 2023-mi nalunaaquattap akunneri 115-iusrinnarlutik 2024-mi nalunaaquattap akunnerinut 403-nut qaffanneqartut piviusunngortinnissaat ajornartorsiutaasimavoq. Naalaartartut isiginnaartartullu akornanni misissuinerit tunngavigalugit radio-p nalilerpaa, meeqqat inuuusuttullu annertusiartuinnartumik inuttut attaveqaqtigiffinnik radio-miit atuineruleriartortut, tamatumalu nassataraa siammarteriviit digitaliusut radio-kkut aallakaatitaniit siunnerfeqartumik sallinngortinnejnarnerat.

Ataatsimut isigalugu KNR-ip salliutillugu pingaartippaa – ajornakusoortunik atugaqarnerup nalaani – nutaarsiassaqartitsinermik ullutsinnilu pisunik aallakaatitassiorнissamik pingaarnertut suliassami pitsaassuseqartuarnissaa, ilutigisaanillu suliat naalaartartut isiginnaartartullu tusagassiuteqarnikkut ileqqinut naleqqussarniartuarlugit.

A photograph showing a person in a white lab coat and a surgical mask, focused on work at a bench in a laboratory. The background shows shelves filled with glassware and laboratory equipment under a warm, orange-tinted light.

5. Aaqqissugaaneq nukissatigullu sillimmatigisat

KNR-ip aaqqissugaanera, suliffeqarfiup innuttaasunik sullissinissamik isumaqatigiissutaata piviusungortinneqarluni radio-kkut, TV-kkut digitalimillu pitsaassuseqarluartunik saqqummiisaarnissaanut tunngaviulluinnarpooq. 2024-mi suliffeqarfik ilusiligaanikkut ajornartorsiuteqartuarpoq, annermik suliassaqarfinni pingaarutilinni sulusussanik amigaateqarnermik ilutigisaanillu digitalimik ineriartornermut naleqqussarniarluni piginnaanngorsarnissamik naleqqussarnissamillu pisariaqartitsinermik.

Sulisut katitigaanerat sulusussarsiornerlu

Ukiup naanerani KNR-imi aalajangersimasumik atorfiiit 82-iupput, aaqqissuisoqarfimmut, teknikkimut allaffeqarfimmullu agguassimasut. 2024-mi sulisut annertuumik taarseraapput, annermik aaqqissuisoqarfimmi. Tamatuma kinguneraa suli atorfinititsiniarnerup ataavartumik ajornartorsiutaalernera. Arlalinnik atorfinititsisoqaraluartoq atorfiiit tamarmik inuttalerneqanngillat. Tamatuma aallakaatitassiorneq sunnerpaa, annermik nutaarsiassaqartitsinermut immikkoortortaqarfimmi TV-kkullu aallakaatitassiani ataasiakkaani.

Sulisussaaleqineq illuatungilerniarlugu 2024-mi KNR-ip tusagassiortut imitsittartut, piffissami sivikinnerusumi taartaasartut avataaniillu aallakaatitassiorneq annertunerusumik atorpai. Taamatut eqaatsumik aaqqiineq aallakaatitassiorneq aalaakkaanerusumik ingerlanneqarsinnaanera kinguneraa, aammali nassatalalugu ataqtigiaissaarisariaqarnerup ilinniartitsinerullu annertusinerat.

Aaqqissugaanikkut suliniutit

2024-p ingerlanerani suliniutit arlallit aallartinneqarput, suliffeqarfik sulusullu ingerlalluarnissaat patajaallisarniarlugin. 2024-mi sulisut naammagisimaarininnerannik misissuinerit – sulisut suliemannik nuannarinninnerisa suliffimminnnullu ilumuussusaasa apparsimanerannik tikkuussisut, kisiannili suleqatigiinnermik suliallu suliarineqarluartarnerannik qaffasissumik naliliiffiusut – tunngavigalugit, immikkoortortaqarfikkaartumik iliuusissanik pilersaarusiorneq ingerlateqqinnejarpooq. Suleqatigiinneq, attaveqaqatigiinneq ilimagisanillu naleqqussaanerit pillugit workshoppit ingerlanneqarput, taamatullu quillersaniit immikkoortortaqarfiiit annertuumik suliassaqarfiusut immikkut isigniarneqarlutik.

Piginnaasanik inerisaaneq

2024-mi KNR-ip sulusunik ilinniartitseqqinnissaq saliutippaa, tusagassiisarneq, teknikkikut aallakaatitassiorneq digitaliusumillu ineriartorneq sammillugit. Ilaatigut pikkorissaatigineqarput inuttut attaveqaatitigut videoliorneq, nutaarsiassalerinermi pissuserissaarneq (etik), oqaatsit nutserinerlu kiisalu aaqqissuinermi atortut nutaat atornissaat.

Suleqatigiinneq ilisimasanillu avitseqatigiinneq

Avataani susassaqartunik suleqateqarneq KNR-ip attattuarpaa, taakkununnga ilaapput sumiiffinni ataasiakkaani radioqarnermik peqatigiiffit, ingerlatseqatigiiffit aallakaatitassiorneq Nunanilu Avannarlerni tusagassiuteqarnermik suliffeqarfiiit. Taamatut suleqatigiinnerup kingunerisa ilagaat ilisimasanik avitseqatigiinnerit, isumasioqatigiinnerit aallakaatitassioqatigiinnissamullu periarfissaqalernerit, KNR-ip innuttaasunik sullissinissamut pisussaaffiinut ikorfartuutaasut.

Unamminartut periarfissallu

Sulisussarsiornermut sulisullu sulisoriinnarnissaannut naleqqiullugu suliffeqarfik suli annertuunik unammilligassaqarpoq. Aammattaaq teknikikkut ineriartornerup kingunerivaa sulisut ingerlaavartumik piginnaanngorsartarnissaat suleriaatsiminnillu naleqqussaajuartarnissaat pisariaqarmata. KNR-ip 2025-mi aalaakkaasunik sulisoqarnissaq, aqutsisunik ineriartortitsinissaq aamma sulisut sulisoriinnarnissaannut ingerlalluarnissaannullu pitsaanerusunik sinaakkusiinissaq saliutinniarpai.

6. Illuutinut atortoqarnermullu tunngasut



KNR-ip illutigut teknikkikkullu sinaakkutigisai radio-kkut, tv-kkut digitalimillu aallakaatitassiornermut pingaaruteqarput. 2024-missaaq ajornartorsiutaapput illuutit pisoqaassusaannut tunngasut, ullutsinni tusagassiisarnermut naleqqussaanngippallaarneq teknikkikkullu piginnaanngorsarnissamik pisariaqartitsinerit.

Illuutit inillu

KNR Nuummi suli illuni marlunniippoq, illut sananeqaqqarnerminni tusagassiilluni aallakaatitassiornissamut naatsorsuussaanngitsut. Tamanna sulinermi pilersaarusrornermilu unamminartunik nassataqartarpoq. Illut aaqqissugaanerisa pisatsorsornerisalu aammattaaq studiat aallakaatitassiorfiillu eqaatsunik atornissaat killilerpaat.

2024-mi illup iluani silaannaap ajornartorsiutaanera malunnarpoq, tamatumunnga ilanngullugit silaannarissarniarkkut ajornartorsiutit, isugutak illuutillu ilaanni naammaginanngitsumik kiffiusersugaanerat. Illup iluani silaannarmik illunillu misissueqqittoqarnikuovoq, aamma aaqqissuussinissamik nutarterinissamillu pisariaqartitsineq qulaajaqqinneqarnikuulluni.

Teknologiskimik attaveqaasersuutit

Teknikkikkut atortunut tunngatillugu 2024-mi KNR pisariaqartutigut nutarterinissamut aningaasaliivoq, aningaasaliiffagalugit aallakaatitassiornermi atortut, qarasaasiaqarneq aamma ingerlatsinermi isumannaallisaaneq. 2023-mi hackerinik saassunneqarnerup kingunerisaanik internetikkut isumannaallisaaneq ingerlateqqillugu patajaallisarneqartuarpoq, tamatumunnga ilanngullugit firewall-inik illersuusersuineq, backup-erinermik aaqqissuussinerit suliffeqarfiillu iluani upalungaarsimanissamik periusissanik pitsangorsaanerit.

Ajutoortoqarnerani generatori nutaaq ikkussuunneqarpoq, taamaalillunilu qularnaarneqarpoq sarfaaruttoornermi KNR-ip aallakaatitsinerminik ingerlatsiinnarsinnaanera. Ukiup ingerlanerani generatori arlaleriarluni atorneqareerpoq, taamaalillunilu isumannaatsumik ingerlatsinissamut tapertaalluarluni.

Studiaqarneq aallakaatitassiornermilu atortut

KNR-ip studiaani inissaaleqineq studiallu nungullarsimanerat suli malunnarput. Radio-mi TV-milu studiat nutarternissaat pisariaqartinneqartuarpoq, annermik ullutsinni digitalimik eqaatsumillu aallakaatitassiornermi piumasaqataasut piviusungortinneqassappata. 2024-mi teknikkikkut atortorissaarutini atortut immikkoortut ataasiakkaat taarserneqarnikuupput, kisianni studiat tamakkiisumik nutarternerat suli ingerlanneqanngilaq, aningaasanik amigaateqarneq aamma KNR-ip maanna illutaasa killeqartitsinerat pissutigalugit.

Digitalimik ineriartorneq aamma attaveqaasersuutit

KNR-ip digitalimik siammerivii 2024-mi nutarterneqarput, tamatumunnga ilanngullugit knr.gl-ip Drupal CMS-imut nutaanerpaamut nuunnera. Serverit imartunerulernissaannut streamerinermullu teknologiimut aningaasaliisoqarpoq, on-demandinik live-nillu annertusiartortumik atuineq ikorfartorniarlugu.

Unamminartut siunissamilu pisariaqartitat

KNR-imi attaveqaasersuutit ilusiligaanikkut akimmiffeqaqqaajaapput, piffissaq ungasinnerusoq eqqarsaatigalugu aaqqiiffisariaqartunik. Annermik studiani atortut nutarternissaat, illuutit nutarternissaat isumannaallisaanerullu suli annertunerusumik patajaallisarnissaa qitiutinneqarput.

2025-mi KNR-ip illuutit teknikkikullu attaveqaasersuutit ataatsimoortumik pilersaarusiunniarpai. Pilersaarutip ikorsiiffigissavai aaqqissuinikkut pisariaqartitat innuttaasunillu sullissineq aalaakkaasoq siunissamullu isumannaagaq qularnaarlugu.



7. Aningaasaqarneq

KNR-ip 2024-mi aningaasaqarniarnerani pilersaarutaareersumik aningaasartuutit aningaasartuutilu pilersaarutaariinngitsut, ukiumi angusaasuni amigartoornermik kinguneqartut, malunnaateqarput. Ukiumi angusaasut inernerivaat 1.745.870 kr-nik amigartoorteqarneq, tamannalu amigartoortissat missingersuutaasunit 1.025.586 kr-nik qaffasinneruvoq.

Isertitat

KNR-ip 2024-mi isertitai katillugit 78.990.202 kr-upput, tamannalu missingersuutinit 80.032.000 kr-usunit appasinneruvoq.

Isertitsissutaasut pingaarcerit makkuupput:

- Namminersorlutik Oqartussanit tapiissutit: 73.421.000 kr. (missingersuutigineqartutut)
- Isertitat allat: 5.569.202 kr. (missingersuutigineqartut: 6.611.000 kr.)
- Isertitat ikilinerinut pissutaanerpapput ussassaarutinit isertitat ikinnerunerat aamma SMS-ikkut unammisitsisarnernit isertitat ikinnerunerat.Tamatuma ersersippaa ussassaarisarnerup nalinginnaasumik annikillinera niuernikkullu isertitaqarnissamut periarfissat ikileriarnerat.

Aningaasartuutit

Aningaasartuutit katillugit 80.606.908 kr-upput, missingersuutit 80.977.586 kr-usut eqqungajallugit, kisiannili inissitsiteriffit akornanni nikittoqarfiusumik.

Aningaasartuutit pingaarcerit makkuupput:

- Aningaasarsiat sulisoqarnermullu aningaasartuutit: 55.606.223 kr. (missingersukkanit 57.070.221 kr-usunit appasinnerupput.) Sipaarutaasunut pissutaapput atorfiiut inuttalerneqanngitsut, taakku ilaatigut atorneqarput akunnermusiallit, taartaasartut freelancerillu annertunerusumik akissarsiaqartinnerinut
- Atortut aamma IT: 6.896.476 kr. (missingersuutiniit 6.033.965 kr-nik qaffassinerupput.) Atuvallaarnermut pissutaavoq 2023-mi hackerinit saassunneqarnerup kingorna internetikkut isumannaallisaanermut aningaasaliisoqarnera
- Illuutinik ingerlatsineq: 6.728.369 kr. (missingersuutit 6.543.700 kr-usut qaangilaarlugit.) Aserfallatsaaliihermut aningaasartuutit annertunerusut
- Aallakaatitassiornermi aningaasartuutit: 3.801.280 kr. (missingersuutinit appasinnerulaarput). Angalanerit ikinnerit, ilmagisamiillu annikinnerusumik avataaniit aallakaatitassioritsinermut atuisoqarnera
- Aningaasartuutinut annertunerusunut allanut ilaapput periusissiornermi aqutsisunik workshoppertsinermi aaqqissugaanermillu pitsangorsaanermik siunnersortinik atuinerit.

Angusat aamma oqimaaqtigiissitsineq

Aningaasalersuinikkut inissitat sioqqullugit angusat -1.616.706 kr-upput, tamatumalu aningaasalersuinikkut isertitat aningaasartuutilu ilangngukkaanni kinguneraa amigartoortit katillugit -1.745.870 kr-ummata.

Ukiup naanerani namminerisamik aningaasaatit ikileriarput -1.275.069 kr-iulerlutik. (ukiup siuliani +471.397 kr-ullutik), imaappoq KNR maanna negativimik namminerisaminik aningaasaateqartoq.

Amigartoornermut pissutaasut

2024-mi amigartoornermut annermik pissutaapput:

- Hackerinit saassunneqarnerup kingorna IT-kkut isumannaallisaanermut, licensinut aamma hardware-nut annertunerusunik aningaasartuuteqarneq
- Ussassaarutinit isertitat annikinnerusut SMS-ikkullu kaajalukaartitat ilmagisamiit annikinnerusut
- Aaqqissugaanerup inerisarneranut aqutsisullu sungiusarnerinut siunnersortinut annertunerusunik aningaasartuuteqarneq
- Sulisut annertuumik taarseraannerat pissutigalugu suliunnaartunut, sulisussarsiornermut ilinniartitsinermullu annertunerusumik aningaasartuuteqarneq
- Ininut KNR-ip pisariaqartitaanut naleqqiullugu tamakkiisumik ikorfartuutaanngitsunut ataavartumik qaffassisusilimmik attartornermut aningaasartuutit

Namminerisamik aningaasaatit pitsaanerulerseqqinnissaannut pilersaarut

Aqutsisut namminerisamik aningaasaatit negativiunerat eqqumaffigaat, ukiunilu aggersuni pitsaanerulerseqqinnissa siunertaralugu suliniutinik arlalinnik aallartitsillutik.

Aningaasartuutinut tunngatillugu aningaasartuutit suliassanut pingaarnernut toqqaannartumik attuumassuteqanngitsut ikilisarnissaat anguniagaqarfiusumik sulissutigineqarpoq, assersuutigalugu avataaniit siunnersortinik atuinerup annikillisarneratigut aamma sulisut taarserarnerannut aningaasartuutit ikilisarnerisigut.

Isertitanut tunngatillugu aqutsisut aningaasalersuinerup patajaallisarnissaa sulissutigaat makku aqqutigalugit:

- Aningaasanut inatsimmi tapiissutit aalajangersimasumik qaffanneqarnissaannik qinnuteqarneq
- 2025-p ingerlanerani tapiissutinik aningaasaliisoqarsinnaanera pillugu oqaloqatiginnissaq
- Aqutsisut nalilerpaat, KNR-ip aningaasaqarnerata patajaallisarnissaa politikkikkut tapersorsorneqartoq, ilaatigut pissutigalugu KNR-ip aningaasaqarnerata pitsangorsaaviginissaanik kissaateqarneq Naalakkersuisut nutaat isumaqatigiissutaanni allassimammatt.

Taamatut suliniuteqarnikkut aqutsisut nalilerpaat namminerisamik aningaasaatit pitsaanerulersinnissaat piviusorpalaartumik tunngavissaqartoq. Erseqqissarneqassaaq namminerisamik aningaasaateqarnerup pitsaanerulerseqqinnissa ukiuni arlalinni alloriallattaalluni pisussaassammat, tamatumani lu pisariaqartinneqarmat politikkikkut tapersorsorneqarnissaq aamma sukannersumik tulleriaarinissaq. KNR-ip suliniutit ingerlaavartumik naleqqussassavai nalilersorlugulu suliassat pingaernerit qanoq pitsaanerpaamik ataavartinneqassanersut.

Ataatsimut naliliineq

2024-mi KNR-ip aningaasaqarneranut amigartoorneq malunnaataavoq, KNR-ip avataani KNR-imilu imminermi pissutsit kingunerisaannik. Pissutsit taamaattut pisariaqalersippaat sukannersumik aningaasanik aqtsiuarnissaq, tulleriaarinissaq aamma politikkikkut oqaloqatigiinnissaq, innuttaasunik sullissinerup pisariaqartutigut pitsaassutsikkut, teknologiikkut aqqissugaanikkullu aningaasaliiffigineqarluni ataavartinnissa qularnaarumallugu.

8. Eqikkaaneq ilimagisinnaasallu



2024-mi innuttaasunik sullissinermik nalunaarusiäp takutippaa ukioq, KNR-ip annerttuunik ajornartorsiuteqarluuarluni, tusagassiivittut Kalaallit Nunaanni innuttaasunik sullissisutut inissisimanini attatiinnarsimaga. Sulisut piumassuseqarluarnermikkut suliaminnullu tunniusimanermikkut imarititaasunik innuttaasunik paassutissiisunik, kulturikkut saqqummiussiffiusunik, tamat oqartussaaqataanerisigut oqallinnertigullu pisuunnguallatsitsisunik pilersitsisinnaasimapput – nuna tamakkerlugu naalaartartut isiginnaartartut atuisullu nuannaarutigisinnasaannik.

2024-mi KNR-ip:

- Innuttaasunik sullissinissamik pisussaaffit arlallit piviusunngortippai, annermik timersornermut, kulturimut digitalimillu siammaassinermut tunngasutigut
- Sulisunik amigaateqarluarluni aningaasaqarnikkullu ilungersunartorsioraluarluni TV-kkut, radio-kkut siammarteriviillu digitaliusut aqqutigalugit ingerlaavartumik aallakaatitsisarnissaq qularnaarpaa
- Inuttut tusagassiissutit streamerinermillu sullissiviit aqqutigalugit digitalimik saqqumineq inerisarpaat atuinerup annertusiartorneranik kinguneqartumik
- Teknikkikut atortut piffissami ungasinnerusumi ingerlatsinermik patajaallisaat aningaasaliiffigivai
- ingerlalluarnissaq, suleqatigiinneq aqutsisullu inerisarnissaat pingaartillugit

Ukumi aamma ersersinnejarpooq KNR suliffeqarfiusoq aalajaatsoq allanguinissaminullu piareersimasoq, tusagassiuuteqarnerup silarsuaani assigiinngisitaaqisumi sumiissusersiorsinnaassusilik – aamma ilungersornartorsiornerup nalaani. Ajornartorsiutit suussusilerneqartut – sulisussaaaleqineq, aningaasaqarnikkut oqimaaqatigiinnginneaq, illutatigut sinaakkutigisat naammaginanngitsut digitalimillu nutaaliornissamik piumasaqaatit annertusiartortut – iliuuseqarsinnaassuseqarluuni tigussaasunillu suliniuteqarfigalugit naaperiarneqarput.

2025-mi KNR-ip makku salliutinniarpai:

- Nutarsiassaqartitsinerup patajaallisarnera aalaakkaanerusunillu sulisoqarnissap qularnarnera
- Teknikkikut atortunik nutarterinerup ingerlateqqinnissaa
- Aningaasaqarnikkut tunngaveqarnerup pitsaanerusup qularnaarnissaata sulissutiginissaa
- Inuttut attaveqaatini KNR-ip takussaassutaata upernassusaatalu annertusaaviginissaa, eqquunngitsunik paasissutissiisarnernut tatiginartumik illuatungiliuttutut.
- Tusagasseeriaatsit nutaat inerisarnissaat aamma meeqqanut inuusuttunullu saaffigisanullu nutaanut attaveqarnerup pitsanngorsarnissaa

KNR 2025-mi Kalaallit Nunaannut tamarmiusumut naapertuuttunik, tamatigoortunik arlaannaannullu attuumassuteqanngitsunik innuttaasunik sullissinermik neqerooruteqartarniarpooq patajaatsumik ataatsimoorluni sulilluarneq aallaavigalugu – oqaatsit, kulturi tamallu oqartussaaqataanerat ataqqillugit. Soqtiginnitsit naapertuuttut tamaasa inerisaaqatigalugillu suleqatigiuarnerisigut, KNR-ip siunissami piumasaqaatit ilimagisaasullu piviusunngortikkiartorlualereerpai.